

Zeitschrift: Le nouveau conteur vaudois et romand
Band: 78 (1951)
Heft: 9

Artikel: Onna pélechon a cliîo d'Etsallein : (avoué onn' introducchon et traî coupliet : lo Gros-de-Vaud, Etsallein, lo Taleint) : (suite et fin)
Autor: Goumaz, L.
DOI: <https://doi.org/10.5169/seals-227818>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.05.2025

ETH-Bibliothek Zürich, E-Periodica, <https://www.e-periodica.ch>



Onna pétechon a cllião d'Etsallein

(Avoué onn' introducchon et traî couplliet
Lo Gros-de-Vaud, Etsallein, lo Taleint.)

(Suite et fin)

III

Couplliet traî :

Lo Taleint

Ora, lo grand mot è latsî,
Lâi a rein mé à quequehî.
Por vo dere ein on mot l'affère :
A voutron rû no z'ein à fère ;
L'è pas lo distri que no tsau,
No vo laissein lo Gros de Vaud.
Vo z'âi prâo de couson, de misère,
D'eimbétemeint et de colére
Sein qu'on vigne vo tsecagnî
Su cein que vo poède gagnî.
L'è pas lo « bourg » que no trevougne,
Et se tsî vo vouet on sè cougne
L'è pas por vo raublliâ Etsallein.
Mâ pétechounâ lo Talein.
« L'è à no, clli rû », que vo dite
« Quemet âo païsan sè bête. »
Faut tot parâi lo partadzî
Et bin volhiâ no z'ein laissî.
Dâo Taleint baillide on bocon
Ao restant de nouôtro canton.
Vo gardâi tot lo rû per ique,
Et por no, lè z'autro, bernique !
Dommadzo bin se tant d'esprit
L'è tsesâ tsî vo, mè z'ami ;
Mâ se lâi a onna justice
— L'è permet de lo dere ice —
Sarâi justo de no baillî
On restaillon de clli l'esprit
Que lo Taleint traî aprî lî

Su, lo Taleint l'è voutr' affère.
Por no reste rein d'autr' à fère.
Se no vollien tot lo fifâ
No porrein pas lo supportâ.
Traô de Taleint, cein no dépasse.
Vo que vo z'ein bâide « à la casse »,
Vo monte rein, tot clli l'esprit
Vo baille pas su lè cervalle
Mé qu'on crouïo mouî de dzêvalle
Su lo cotson d'on païsan
Quand revint tserdzî de son tsamp.
No ne poen pas ein dere atant,
Vo que vo z'îte accotoûma
L'è pas mé que dâo vin toûma.
Et vo z'ein âi fé dâi rioule
Avoué lè premîre z'écoule
Et vo z'âi bâ dein lo Taleint
Depu lo pllie dzouveno teimps.
L'esprit l'è bon, mâ no z'étourle
No fâ l'effet d'on fû que bourle.
Tot lo Taleint no farâi mau :
On coup, se vo plliâi, aprî vo !
On petit fond de botolliette
Por poâ no rinci la garguiette.
Cein que no faut por l'agottâ,
Justo por no passâ l'einvya !
No reccliamein qu'onna fifâie.
Onna gaulaie, onna dziellaie !
Se vo z'îte d'accou, l'è bon,
L'è tota noutrâ pétechon...
No faut pas d'autra pichollette.
Adan, no vo dien
Adan, no vo dien ein réfrain¹ :

Baillî-no pi quoque gottette
De clli Taleint.
Dzein d'Etsallein.

L. Goumaz.

¹ Air de Roulez, tambours (fin).



Aux 3 Tonneaux

Le rendez-vous
des Vaudois
chez un Vaudois !

Grand-St-Jean

GIVEL